

临朐县旧志汇编

● 嘉靖临朐县志

● 康熙临朐县志

● 光绪临朐县志

● 光绪临朐县乡土志

● 民国临朐续志

政协临朐县委员会

临朐县旧志汇编

杨显伟 许孝义主持整理

政协临朐县委员会
二〇〇二年十二月

责任编辑 程士贵 傅绍信
校点整理 (以姓氏笔画为序) 王新生 张玉昆 张铭璇 曹立会
封面设计 王兆杰 王 宁
版式设计 王翠萍

临朐县旧志汇编
政协临朐县委员会编

*

潍坊市新闻出版局
内部资料准印证(2002)第 038 号
山东临朐华兴商场有限公司印刷厂

*

787 × 1092 毫米 16 开本 39.5 印张 10 插页 900 千字
2002 年 12 月第 1 版 2002 年 12 月第 1 次印刷

定价 218 元

序

胸地古老,历史久长,周属齐域,古称骈邑。其史料记载,散见于历代史书。

临胸旧县志,今可考者,历明、清至民国,五次纂修,即明嘉靖、清康熙、清光绪、清本《临胸县乡土志》,至民国再次续修。通览诸志,其博而得要,简而能周。一方乡情,展卷可得;上下数千年,一览无余。其内容之广,稽考之谨,记述之详,乃县史籍之最。然因时世不同,其中书有“皇言敕封”、“节妇烈女”、“天人感应”等封建糟粕,读者当审弃。

古人云:“治国家者以史为鉴,治郡国者以志为鉴”。斯言诚是。然而历代兵燹天灾,使生灵涂炭,历史文献亦毁失极多。察临胸旧志,除嘉靖《临胸县志》、民国《临胸续志》县内稀有外,他无存本。有识之士自域外将康熙《临胸县志》、光绪《临胸县志》复印珍存,但文字漫漶不清。尤康熙《临胸县志》乃从北京大学图书馆收藏之影印本转印而得,字迹模糊难辨,幸近得中国海洋大学图书馆所存原刻本,但卷中亦有缺页少行。《临胸县乡土志》纂成至今,百年未曾付梓,抄本现存于山东省图书馆,且因年深月久而纸页黄焦。临胸旧志,岌岌可危矣!

此辅治之书,或散存在外,或束之高阁,实为憾事。若或有意外之失,牒毁谱湮,将无以对列祖列宗,无以传子孙后代。有鉴于此,县政协决意将诸志汇集梓行,使濒失志书得以保存,让尘封之著裨益当今。为解诸志文辞之古奥、纠其之错讹,使之考阅皆便,易资易鉴,程士贵主任、傅绍信先生受命担当此任,并延请张玉昆、王新生、曹立会、张铭璇先生为校点事。诸君明确分工,各负其责,冒暑热而不懈,受寒冷而不怠,遇万难而不辍,戮力同心,殚精竭虑,集思广益,夜以继日,精心操作,半年而就。值此汇编面世之际,谨向上述诸君及所有关心支持此书整理出版之士,致以诚挚谢意!

该书出版,是临胸文化生活一大喜事,当歌之贺之。吾胸乡亲,捧读此书,定是欣喜有加;埠外胸人,梓至情深,念切故土,得鉴此乘,亦可聊慰乡思。唯愿吾父老乡亲以史为鉴,融爱乡于爱国,共绍祖武,继往开来,励精图治,与时俱进,振兴临胸,献力于中华民族伟大复兴。

杨显伟

二〇〇二年十二月

汇编说明

一、本书汇集临朐历史上有据可查的五部官修县志，即明嘉靖《临朐县志》、清康熙《临朐县志》、清光绪《临朐县志》、清光绪《临朐县乡土志》、民国《临朐续志》。

二、该汇编所依据的版本是：嘉靖《临朐县志》，为1962年6月上海古籍书店据宁波天一阁藏明嘉靖刻本影印本；康熙《临朐县志》，以中国海洋大学图书馆所存康熙十一年原刻本为主，参考了北京图书馆影印本；光绪《临朐县志》，为我县档案馆存中华民国十六年十月再版本；光绪《临朐县乡土志》，据山东省图书馆所藏手抄本，并参考了《安丘县乡土志》；《临朐续志》为1935年青岛俊德昌南纸印制局印刷本。

三、五部县志的整理者为：王新生负责嘉靖《临朐县志》与《临朐县乡土志》；曹立会负责康熙《临朐县志》；张铭璇负责光绪《临朐县志》；张玉昆负责《临朐续志》。

四、该汇编本着尊重历史、忠于原著的原则，只加标点符号，繁体字变简化字，古体字、异体字改为现代通用汉字，竖排变横排。

五、旧志中的错别字，一般不予改动，以保持旧志原貌。对于明显的错讹之处，在其后加括号，注于正确的文字。

六、旧志中的注释文字，均用六角字，以与正文相区别；整理者所加注释，均放在各志每卷之后。

七、各志中所引用《齐乘》、《水经注》、《史记》、《资治通鉴》等书之段落处，均以原著为准，如引用处有错讹，以小括号内文字注明。

八、各志中所用地名，不同的年代、不同的志书，称谓亦不同，如盘“羊”、“扬”善等，即使一部志书里，同一地名，用字亦不同，如冶源，有的用“原”，有的用“源”，本汇编尽量不予改动。

九、各志“诗文”，同一篇文章，不同志书引用时亦有不同，或删或添。如嘉靖志应贞之《临丹赋》中“拂崇丘之飞鸢”，康熙志则为“拂桑丘之飞鸢。”本汇编保持各志的原貌，不强求统一。

十、整理者需要向读者说明的地方，在每部旧志之后附以校点说明，供读者参考。

十一、本汇编有总目录，每部志都有分目录，以便于读者查阅。

十二、数字用法，均照录原志汉字。

目 录

嘉靖临朐县志

卷一 风土志	(3)
卷二 官政志	(12)
卷三 人物志	(20)
卷四 杂志	(26)

康熙临朐县志

卷一 輿图、星野等	(42)
卷二 风俗、人物等	(55)
卷三 宦绩传、人物传	(70)
卷四 烈士、记诗赋铭	(87)

光绪临朐县志

卷一 輿图、疆域	(117)
卷二 沿革	(119)
卷三 山水	(122)
卷四 古迹	(137)
卷五 建置	(144)
卷六 赋役	(154)
卷七 学校	(159)
卷八 风土	(165)
卷九 艺文	(172)
卷十 大事表	(185)
卷十一 秩官表	(193)
卷十二 科贡表	(212)
卷十三 宦绩	(225)
卷十四 人物	(232)
卷十五 列女	(269)
卷十六 杂记	(284)

光绪临朐县乡土志

卷一 历史	(300)
卷二 政绩录	(302)
卷三 兵事录	(305)
卷四 耆旧录一	(308)
卷五 耆旧录二	(324)
卷六 耆旧录三	(325)
卷七 人类、户口等	(339)
卷八 地理	(340)
卷九 山	(348)
卷十 水	(353)
卷十一 道路	(356)
卷十二 物产	(360)
卷十三 商务	(362)

民国临朐续志

卷一 县图	(372)
卷二 大事记	(373)
卷三 秩官表	(380)
卷四 科贡表	(394)
卷五 学资表	(401)
卷六 疆域略	(414)
卷七 疆域略	(429)
卷八 建置略	(445)
卷九 氏族略	(455)
卷十 食货略	(469)
卷十一 食货略	(490)
卷十二 教育略	(504)
卷十三 选举略	(511)
卷十四 防卫略	(516)
卷十五 礼俗略	(523)

卷十六	艺文略	(539)
卷十七	金石略	(546)
卷十八	方言略	(561)
卷十九	宦绩列传	(574)
卷二十	人物列传	(578)
卷二十一	列女	(597)
卷二十二	杂记	(605)
后 记			(611)

目 录

临朐志叙	(2)	贡赋	(15)
临朐县志目录	(3)	力役	(15)
卷之一 风土志		历宦	(16)
建置	(3)	卷之三 人物志	
县名	(3)	名贤	(20)
星野	(4)	乡贤	(21)
疆域	(4)	进士	(22)
形胜	(4)	举人	(23)
城池	(4)	岁贡	(23)
风俗	(4)	例贡	(24)
民业	(4)	荐举	(24)
山水	(4)	武勋	(24)
坊厢	(8)	孝义	(24)
乡社	(8)	旌异	(25)
街巷	(9)	贞节	(25)
市集	(9)	流寓	(25)
山寨	(10)	卷之四 杂志	
关梁	(10)	古迹	(26)
田土	(10)	封建	(26)
户口	(10)	冢墓	(26)
物产	(10)	坊表	(27)
卷之二 官政志		寺观	(27)
公署	(12)	碑碣	(27)
学校	(12)	遗事	(28)
祠庙	(13)	祥异	(28)
坛壝	(13)	诗文	(29)
杂署	(13)	校点说明	(39)
仓库	(14)		
铺舍	(14)		

临 朐 志 叙

物之生也，得雨露、土膏之滋，而后其天者全荒瘠曠濼，只见其稿（稿）矣！故不得其养。虽造化且无以直遂，而况于人乎！

我明之兴已二百年，海内晏然，兵革不试，太平之业隆矣。迩者文物日趋于胜，无艺之征，僭侈不经之费如猬焉，而莫之止。生理衰薄，殊异于先民，识者忧之。

圣皇御极，独轸念疮痍，而于守令之任，必勤德意。嘉靖丁未之岁夏六月，家上奉命来临朐。入境省观，民多朴野可治，间有流风气习则粗犷告讦不能无矣。事从而狱繁，负税遁逃，莫之能御。未尝不叹今之明何其遽异于昔之闇也。加之饥饉、征调相寻不已，民于是乎愈穷，余益惧焉。君子曰：“论治者贵识体。气化之不齐也久矣，时之所趋，人亦孰能违哉！”子职在牧民，盍先于是。蚤（鄙）之窃禄于兹，岁五周且半矣。听夕不忘，思所以节用爱养者。正赋之外，一切捐以阜民。绵力非德，卒亦蔑有所济。夫善俗而为之所者，循吏也；前事之鉴者，后事之师也。余则安能焉知来者之未能乎！孟子惜当时诸侯去其籍，顾今朐志独无，后将何述？且夫万世一心也，独不可以创修自我而传之耶！于此考见得失，将必有卓异之政，举朐之蔽，措之至治，不愧于今日尧舜之民者矣。爰议于邑传（博）豫川祝子、草堂夏子、石溪严子，豫川、草堂皆尝考索往事。严子尝草创之，会其迁去，遂托海浮冯了终厥

事焉。初，传（博）访邑志，唯史令有遗志数章，亦残阙不完。于是询之耆旧，采之图碣，取《通志》、《齐乘》诸郡邑之志，莫不详考而折中之。总目之大凡曰风土、曰官政、曰人物、曰杂志。他志名例不一，今订以四者，足以统之。其条则四十有八（四十有九）。夫志之修，合天人上下倒不登载，非徒为观美具也，实以生聚教训之大业存乎令也。令之职顾不重哉！故志风俗、民业则直书弊端，志诡寄、冗兵之类则附以论断，盖天道人事莫不有是非利害之究，不去其害民者，其能有济乎？是故据事以纪其实，严辨以定其趋。诗文必取其有关于政治以审其尚，皆所以示养民也。势之从违，词之工拙繁简又何计焉。盖灿然成书可以传矣。是志也，邑之大夫士皆有商订，不克悉录。如少洲冯子尝之南都，过朐一阅，雅有是正。而石溪、海浮先后实专其任，可谓有功于朐矣！不毅无能，为役，乃其窃志于牧民则存乎志，嗣令于兹土者观志，决择取昔人之善，锐于继述焉可也，陋余之不逮更张而振起之焉可也。吾虽未之能行，犹吾之行也。是朐民不亦永有赖于斯志哉！刻成，因叙作志之意，以告于后之君子。豫川名文，草堂名云鹏，石溪名怡，海浮名惟敏，少洲名惟讷，已见官政人物志，故兹可略云。

嘉靖三十一年冬十一月吉日。

知临朐县事 汝南王家士叙。

临朐县志目录

风土志 凡一十八条。

建置、县名、星野、疆域、形胜、城池、风俗、民业、山水、坊厢、乡社、街巷、市集、山寨、关梁、田土、户口、物产。

官政志 凡一十条。

公署、学校、祠庙、坛壝、杂署、仓库、铺舍、贡赋、力役、历宦。

人物志 凡一十二条。

名贤、乡贤、进士、举人、岁贡、例贡、荐举、武勋、孝义、旌异、贞节、流寓。

杂志 凡八(九)条。

古迹、封建、冢墓、坊表、寺观、碑碣、遗事、祥异、诗文。

卷之一 风土志

朐，小邑也。山冠四镇，川走齐鲁。封奠之典，肇自虞夏。经划分治，则见于商周以来。流俗在人，土宜可辨。作风土志第一。

建置沿革

周 为齐伯氏骈邑。

汉 置临朐县，属齐郡。

东汉 属齐国。

晋 属东莞郡。

南北朝 刘宋省入昌国县，属齐郡。

隋 开皇初，改逢山县，属青州。大业初，复名临朐，属北海。

唐、宋 俱属青州。

金 属益都府。贞祐间析置穆陵县。

元 省入益都，寻置，属益都路。

皇 明 因之，属青州府。编户一百六里。

县名及离合考

按前汉《地理志》，临朐属齐郡，朱虚属琅琊郡。《后汉·郡国志》，朱虚属北海国，临朐属齐国。晋则朱虚、临朐并属东莞。刘宋则朱虚属平昌郡，而临朐省入昌国县，属齐郡。元魏更置般阳、西安二县，则离合不同。至隋开皇，则又改临朐为逢山县，属青州。大业初，复名临朐，属北海。唐、宋俱属青州，而不复有所谓朱虚，是合为一。金属益都府。贞祐间析置穆陵县，则又离之。元省入益都县。寻置，属益都路。

我朝因之，则又复合矣。按《周礼·职方氏》“正东曰沂山。”颜师古曰：“沂山在盖”。《水经》云：“巨洋水出朱虚县泰山”。酈道元注云：泰山者，东泰山也。东泰山盖汉人高大沂山之辞。所谓巨洋者，即弥水也。然则盖与朱虚为临朐之南境无疑矣。在两汉及六朝时，地有分建。隋、唐而下并为临朐久矣。又《地理志》临朐注，言有伯

氏骈邑。《郡国志》亦云“临朐有三亭、古骈邑”。则又可知，春秋齐伯氏骈邑即此地也。且其名临朐者，谓其临朐山也。其所以名骈邑、名盖^①、名朱虚，则不复可考矣。

星野

晋《天文志》：须女八度至危十五度为玄枵，于辰在子，齐之分野，属青州。又曰齐国，入虚六度则临朐。星野当以青州为准。

疆域

东以安丘县驷马沟为界，七十五里；西以益都县芹泉村为界，七十里。东西广得一百四十五里。

南至穆陵关外，及沂水县地境为界，一百五里；北以赤涧铺旧基外，及益都县地境为界，二十里。南北袤得一百二十五里。

形胜

雄镇东奠乎沂山重关，南阻乎穆陵（《通志》北引长河，南控巨镇，山川之形，叠秀而挺奇，乃三齐襟带之地也。出宋县尉黄显修学记。

城池

土城莫考始何年筑。按《通志》，元至正十七年，盗起，陷益都。贼党李华据此，因加修筑。

国朝景泰四年，知县陈安、成化二年，知县卜钊，二十年，知县张璠尝相继修筑。逮正德初，则圯夷不足恃，两经流贼残破。六年，知县雷启东甫莅任，遂力为修筑。无何，流贼复至，果赖以守焉。嗣是，知县孔泗复

于城下开通马道、筑墙夹之。功未竟而以忧去。今墙亦多坏矣。嘉靖十年，知县褚宝，二十五年，知县贾东山，二十六年，知县王家士复相继修筑。高二丈，周围三里，濠深者二丈，浅者丈余耳。其门南曰“胸阳”，北曰“古骈”，东曰“海津”，西曰“云山”。东西二门，堪輿家以为不利科第，今塞之矣。

风俗

《史记·齐世家》“其民阔达多匿知”。《汉地理志》“其士好经术，矜功名，舒缓阔达。其失夸奢朋党，言与行缪，虚诈不情。急之则离散，缓之则放纵。”由二史之言以观于今朐之俗，不甚相远。但舒缓阔达夸奢朋党虚诈之习，视古昔变矣。若所谓齐俗急功利、矜功名者，殆不减古昔云。

民业

民勤耕农，务蚕织，作绸绢。山居者，或拾山茧作绸，《禹贡》所谓紫丝者也。亦颇种棉花为布。西南乡以果树致饶益。多麦收者，好造曲，交易以为利。亦或养蜂收蜜。怀资者或犇其土之所有走江南，回（贸）易以生殖，或贩鱼盐。其西南山社无业者或伐木烧炭，烧石作灰，陶土为器，负贩以给徭役。近社之贫者，大抵以菜为业。又或织苇若林为席薄（箔），或编荆为筐筥以供衣食。饼师酒户则鳞次于市。鲜不勤生者。古称通工商之业，便鱼盐之利，至于今为近之。

山水

沂山 舜肇十有二州，封十有二山。“浚川禹奠；高山大川，沂山其一也。”《周礼

·职方氏》“正东曰青州，其山镇曰沂山。”沂山，在临朐南百余里，即古盖与朱虚地。西则远宗岱岳，东则俯视琅玕。山之巅，为百丈崖，有飞泉下洒口瀑布。左麓为东镇庙，或曰中有尧柏。背负凤凰岭，南有穆陵关，界长城、书案二岭之间。斯则沂山之灵秀，为东方之巨镇也。白虞夏有望秩之典，至周有埋沉之祭。秦祀加车乘骊驹。汉公王带^②请于武帝曰：“岐伯令黄帝封东泰山。”武帝设祠具至，山卑，不称其费（声），乃令礼官祠之而不封。魏文帝瘞沉圭璋。隋制，取近侧巫一人，主知洒扫。唐加王爵，年别一祭，牲用太牢。虽历代祀典不废，读经（竟）甚矣。我国初，削去封号，称东镇沂山之神，赐（赐）以金龙香奩，有司春秋致祭，有事则遣廷臣祭告，秩祀乃正云。《通志》沂山图说。

《汉志》谓卑小不称其费（声）者，盖沂山远望之则高压群山，缘坡麓漫延八、九十里，以渐而升，迨至其巅，则失其峻极耳。《齐乘》。

此数语得之。想作者尝亲历此山也。但“巅”字当作“下”字为是。

百丈崖 沂山之脊东极于此，从外至其下，缘山之侧径而行，可三二里许，颇艰于陟降。崖实不足百丈，石壁峻立如斧劈然。石罅侧出松桧，不知其何自生植也。崖下冬有积雪，须四、五月乃消。

瀑布水 出沂山绝顶。东行山巅五七里许，悬流泻为瀑布。入石涧，南行三四里许，折而东行，又三四里许，亦石涧，则沙底数里。折而北行，经大关、小关至蒋峪，折而东，经降町、赵庄、白塔诸社入安丘界，是名汶河。俗音讹作法。乃沂山所出水之东派也。

巨洋水 出沂山西麓九山社。经界首、冶源诸社乃斜拂治南，入益都界。是沂山所出水之北派也。乃若沂山南麓水，（水）母庙所出水，是名沭水。西南麓松仙岭所出

水，是名沂水。《周礼·职方》所谓“其浸沂沭”是也。是沂山所出水之南派也。二水非临朐境内，而皆出沂山，故得附载。

按郑康成云“沂水出沂山”。《水经》云“出盖县艾山”。今蒙阴东北，地名南河川，小阜之下有泉，此沂源也。北望沂山五十里，殊无别源。据《周礼》（注）“沂山因沂水得名”，康成又齐之大儒，不应有误。疑沂山水源古流，今竭耳。《齐乘》。

胸山 在县东南二里，近弥水。自一面望之加（如）胸，故名胸山。又自一面望之，则如覆釜，故又名覆釜山。上有淫祠。

委粟山 在县东北三里。《水经》云“孤阜秀出，形如委粟”，今名粟山，上有淫祠。

石膏山 在县西北，入益都界。《汉·地理志》“洋水所出”。

龙山 在县东北十里。山形蜿蜒如龙，故名。或曰汉时有龙见此山，因名。相传山之下有潭。旧，县官尝于此祷雨。其以名社，莫考何自始也。

三阳山 在县西北二十里。旧名三郎，因葬衡恭王，更今名。

灵山，丸山，逢山 俱见杂志。

龙门山 在县西北十五里。与龙山对峙。

尧山 在县东五十里。尧水出焉。径益都、寿光界而北。

石门山 在县西三十里。山颇奇峭，石罅间侧出松桧，多于仰天、百丈崖，山势屈曲。西向近晡时乃见日，故邑人有“石门晚照”之说，俗呼石门坊。

仰天山 在县南^③七十里。势屈曲，东向。有小岩洞藏山腰，历侧径里许，穿一穴乃可达。洞深、高不逾寻丈，壁有石，大视两掌，其光可以鉴。寺僧云：“每月明之夜，则山峦、草树咸在鉴中。”未试其信否。山麓有洞，深可五七丈许，上有窍通天云。秋月中

天之夜，洞中光景颇奇，故土人有“仰天秋月”之说。山之阴，有水帘洞，深可数丈，泉源深远，潜通佛刹前泉井。其自洞口出者，流而为河，经辛庄诸社入石沟水。又有黑龙洞，相传，旧祷雨辄应。宋碑云：元符三年，敕额“灵泽庙”。崇宁五年，封济丰侯。

大弁山 沂山东南曰大弁山。大弁，今人讹作“大屏”，字相类而误。唐沈亚之《沂水杂记》又讹作太平山。当从《水经》作太(大)弁者是。大弁东(西)即大岷也。《齐乘》。

大岷山 即穆陵关也。其山峻狭，仅容一轨，故为东南天险。刘裕伐南燕，兵过大岷，指天而喜曰：“虜已入吾掌中”，即此山也。山北数里，有裕祭天五坛。《齐乘》祭天五坛，询之士人，今无遗迹可觅。

纪山 在县东北五十里，以名社。王家士曰：“予尝以公务出，旋自安丘西望，山形如几。指问山名，左右云纪山，盖本以山形得名。俗以音同，遂讹传耳！”

方山 在县东三十里上庄社。

英山 在县东南三十里。以名社。

大山 在县南三十里。以名社。

孤山 在县东四十里，以名社。

峰山 在县东南六十里。以名社。

牛山 在县东南二十里。山方而长。下出泉，以名社。

双山 在县东南四十里。两山相连，故名。以名社。

柳山 在县东七十里。相传盗跖尝聚众此山，因以柳名。今无所考，恐亦好事者为之耳。以名社。

庙山 在县东八十里。以名社。

孟坡山 在县西南十五里。上有孤石，如妇人冠，俗呼为孟婆髻。

翠屏山

太平山

八岐山 以山顶有八尖，故名。或云八

旗，则失之考矣。

凤凰山 以形似名。以上四山相连，在朱音。

青山 在县西南(东南)十五里。与牛山对峙。

恨虎山 在县西四十里。

黄山 在县南四十里。山颇高大。以名社。

米山 在县西南四十里。以名社。

虎头山 在县南八十里。

嵩山 在县西南七十里。与黑山相连，近沂水、蒙阴二县地界。山出银矿，其山下河水中亦时出矿及沙金。山间又出有铅、锡、铜、铁，亦时有石碌、白丹砂之类，然未易可得也。唯银矿独易发。土人之顽者时啸聚，邻邑不逞之徒，多至数千，为群相与盗采。甚为地方之害，有不可胜言者，县官苦之。

冯惟敏曰：山泽之利，从古有之。然而银洞为胸剧害。何也？民采之，率弃本业，啸聚山谷，分落树敌，杀伤无算，必捐躯覆族而后已。官采之，则大吏毕至，有司奔命供帐舆马之费，骚动数伯(百)里，而胸为甚。工役佣作之直殆又过之，且虞不逞之徒，群起而为乱也。兵防馈饷，用出无经。嫫官秕政，耗财蠹民，至是极矣！乃复有官民同利之议者，官监民采，贷以公帑，已乃偿之，仅无少余。是三者，胸皆行之，而一无所利。顾蒙其害，至今未苏也。夫矿亦石耳，一掘不复生息，古今掘之，不遗余力矣。其不可复得，理有固然，无足辨者。

海浮山 在冶源。

五凤山 在沂山之东神祐宫(东镇庙)之后，又谓之凤皇(凰)岭。

太白山 在县西南一百五里。接蒙阴界。

辛山 在县东南六十里。以名社。

半壁山 在县西南三十里。

瓮石山 在县东北三十五里。山颇高峻，行者径焉。上有石离立，远而望之，如瓮，故名。

驼峪岭 在县东南六十里，大峪社。

红砂岭 在县东南十里^④。

回头峪 在县西南五十里。其岩洞中，旧产有钟乳，后渐有知者，云：今无几余。

杨谷埠 在县东十里许。

白崖 在县西南三十里隐士社。有孤松甚奇古，今为寺僧伐去。

罗汉洞 即上有窍可以仰而望天者也。以壁间藏有石斲罗汉，故名。又名太祖洞者，则好事者为之也。

黑龙洞 仰天山顶南行十里许可至，旁有石窟，名仰天。

水帘洞 说见仰天下。

白龙洞 在白沙社。

风火洞 在宋庄社。其东数里，悬崖壁立，名小百丈，亦有洞。相传二洞相通。尝试以火，则烟透出也。土人昔避兵于此。

马珩曰：胸之山有二脉：自沂山来者，沙石山也，水率杂沙；自嵩山来者，青石山也，水率杂石。石不能远徙，沙无所不至。故弥河之为民灾，上下数百里，而胸为剧，当其怒冲也。土膏日削而国赋岁增，将不知其所终也。

弥水 《水经》云“巨洋水出朱虚县东泰山。”《国语》谓之“具水”，袁宏谓之“巨昧”，王诰（韶之）以为“巨蔑”。或曰“胸弥”，或曰“沫（沫）”，实一水也。今谓之弥河。东北流至临朐，经覆釜、委粟山，又北过府城，又东北经故益县城，右别出一支，为一沟。道元谓入巨淀者，此沟也。今废。又北经寿光县东北，由黑冢泊入海。《汉志》“石膏山，洋水所出。东北至广饶入巨淀”，即此水也。但因北洋而误其源。北洋见后，即石沟水。因支津别出，而误云入巨定（淀）。曾肇《南洋桥记》乃以洋为南阳，非也。洋为齐之大川，故

以巨名。道元所谓“群书盛言，孟坚不应舍大而志小。”

石沟水 出逢山东北石涧中。山即石膏山，麓三成，《水经》名北洋，盖因巨洋在南也。

南阳水 《水经注》“长沙水出逢山北阜，世谓之‘阳水’，北注浊水，通名为阳，而有南阳、北阳之论”。今按，南阳水出府城西南二十五里石膏山，即逢山之西麓也。

曾肇《南洋桥记》曰：“俗呼洋水有二：曰南洋河，今桥所在是也；北洋河，距城北二里者是也。道元则曰，‘群书盛言洋水出临朐，阳水导源广县，两县虽邻，川土不同，于事疑焉。’”然则洋分南北，当后魏时已不能知，况后世哉！今辨之曰：群书盛言出临朐者，此巨洋也。《汉志》失其原委耳。南阳自为长沙水，北阳自为浊水。曾氏乃因《汉志》石膏山之洋水而以阳为洋，误矣！盖石膏山与逢山连麓，长沙水出其西，即南阳水。石沟水出其东，即北洋水。洋水自出沂山，故《水经》称洋水，则有巨洋、北洋，称阳水则有南阳、北阳，称南洋者无之，俗所误耳。四水虽以音同致疑，源流可考。惜乎曾氏之不察也。《齐乘》。

冯惟敏曰：洋水之辨，余（于）敬止为近之。今俗呼南阳水为北洋，北阳水为小北洋，名犹未正也。四水唯浊水非胸出，因辨南北之名而附及之。又按《水经注》“建德水出逢山”。建德水俗名七里河，经府南折而北，合南阳水入巨洋，亦胸出也。

汶水 《水经》“出朱虚县小泰山”。东北流，经安丘城西入于潍。颜监曰：“前言汶水出莱芜入济，今此又言出朱虚入潍。将桑钦所说有异，或者有二汶乎？”余按：入济之汶见《禹贡》、《论语》，即今大清河；入潍之汶见《汉书》；入沂之汶见《水经》，齐有三汶，清河为大《齐乘》。

丹河

白狼河 二水皆源丹山。《通志》。

纪水 出纪山，入白狼河。经昌乐小
王庄西北入海。

合水 出牛山二股，西流至朱位东合
为一，出朱封口入弥河。

大河 发源沂水县界，经嵩山西麓，
东北流入弥河。

小河 出中庄社，平地北流入弥河，
居民倚以陶埴。

冶泉 在冶源。有山名海浮，缘山麓
皆出泉。其出冶官祠下者为泉源。居民瓮
石围之，深可数尺，色清而味甘。草生其中
者入冬不死。经玉泉寺而东汇为大小二龙
湾，深可丈余。其水皆冬温夏转寒冽。又东
里余，则折而北入弥河。

按《水经注》：巨洋水自朱虚北入临朐
县，熏冶泉水注之。水出西溪，飞泉侧瀨，于
穷坎之下，泉溪之上，源麓之侧，有一祠，目
之为冶泉祀（祠）。按《广雅》，金神谓之清
明，斯地盖古冶官所在，故水取称焉。水色
澄明，而清冷特异。渊无潜石，浅镂沙文，中
有古坛，参差相对。后人微加功饰，以为嬉
游之处。南北邃岸凌空，疏木交合。至若炎
夏火流，闲居倦想，提琴命友，嬉娱永日。桂
笋寻波，轻林委浪，琴歌既洽，欢情亦畅，是
焉栖寄，实可凭衿。小东有一湖，佳饶鲜笋，
匪直芳齐勺（芍）药，实以洁并飞鳞。其水
东北流入巨洋，谓之熏冶泉。

釜泉 在县南一百里。出本社平地，
以其四时常温，故名。

玉泉 在县南九十里。出本社。

龙湾 在大峪社。泉历层石如水帘
然。俗云有龙潜其下。蒋峪社东北亦有龙
湾，深不可测，溢入汶河。

石泉 出石门寺石罅间。涓涓不竭，
足供僧汲。

黄龙沟 出田村井家西南五里。平地
东流，经山川坛右入弥河。

龙泉河 出寺泊社平地。经县南小桥
入弥河。知县褚宝尝疏导绕城为池，后复
故。知县王家上复引水灌城壕。

竹子沟 在牛山之麓。

洪山沟 在县东南三十里。

钓鱼台 在辛庄社。两崖巨石相距如
石梁，中为仰天泉所经。名台者，北崖也。

八角井 在嘉祐寺山门外。上瓮石、下
凿石，各深丈有寻。尝以岁旱水竭，寺僧明
德者腰绠而下，因得其浅深。但此井上圆下
方，而今呼八角。且明德云，泉窍在六尺以
上，而凿复深，其说不可知矣。

天井 在本社道旁南崖下。土人云
出天成，故名天井。尝经行其旁，俯视则乱
石屈曲，水不可见，深亦莫测。疑人力为之，
则直上为是，屈曲乃尔，殆又出于生（天）成
也。

仰天井 在本山文殊寺佛殿前。瓮石
作方井，径可七八尺许。寺僧云：“井泉与山
后水帘洞相通，尝试以糠投井，少顷自洞中
流出也。”

坊 厢

（儒林坊）

德化坊 自儒林坊至北门外社稷坛巷。

宣教坊 自儒林坊南至五井巷。

承恩厢 自社稷坛巷北至漏泽园。

恒济厢 自五井巷南至弥河店。

政平坊 在崔府君祠迤东。

乡 社

礼让乡在县之西，所领社二十有二：

平安社、龙泉社、孤塘社、马陵社、寺泊
社、鲍庄社、田村社、赵町社、礼义社、东庄
社、逢峪社、镇头社、田庄社、李召社、羊善
社、小章社、小崔社、朱羊社、广尧社、辛庄

社、粟山社、赤涧社。

孝慈乡在县之西南，领社二十有七：

朱封社、朱位社、七贤社、弥源社、冶源社、中庄社、宋庄社、界首社、孙庄社、米山社、佛崖社、南流社、朱包社、朱旺社、五井社、天井社、隐士社、嵩山社、王庄社、仁礼社、同峪社、白修社、玉泉社、寺头社、吕厘社、书堂社、朱音社。

仁寿乡在县之南，领社三十：

上庄社、牛山社、黑山社、盘羊社、张禄社、郝庄社、辛冢社、小山社、大山社、良善社、张龙社、峰山社、黄山社、大峪社、牛河社、常庄社、蒋峪社、太平社、佛山社、小关社、大关社、崔册社、鹿皋社、白沙社、九山社、釜泉社、沂山社、龙巷社、降町社、赵庄社。

忠善乡在县东北，领社二十有七：

榆林社、诞公社、董庄社、巩郭社、咸福社、龙山社、时村社、李双社、桃花社、乐地社、尧山社、上林社、张郭社、夫召社、行山社、纪山社、柳山社、双山社、辛山社、英山社、孤山社、三冢社、崔飞社、庙山社、龙岗社、双埠社、辛兴社。

右里社，半流者四而一，大半流者七而一，全流者什一。招徕日勤而死徙日众，奈何！冯惟敏曰：归并之政，今日急务。既以苏乎贫病又以简乎追摄。公私俱便，法意兼美，何其行之不易也。大里者不欲与小者并惧其厉己也；其小者又必越境援愬，冀其自殖。吏莫能理。窃议莫如官自施行，半存者两并之，少半者三并之，全逃者附于大里，听其租佃带办粮糶，庶几通融之法，里胥既减，差遣适平，细民可以无扰矣！流移其有不复者乎！

王家士曰：归并于招徕流移，亦权宜一法，非其本也。尝力行之，上司以人不乐从，告者纷扰，黄册难于改造，中止。新城曾申清戎马公，欲假权利痛惩不从者。马公驳其

说。要之，富室诡寄而田粮不均，地亩抛荒而差役愈重，必于此更张，庶其有济。然非有司之所能尽专也。予别有议附贡赋之末。

街 巷

羊肠街 即县大门外经城之南北门者。街本直，反而名之羊肠，不知其义云。

羊石街 在儒学前。以根星门右有石如卧羊，故名。

菜园巷 与城隍巷相值。

西 巷 通羊石街。

铜子巷 自布政司西绕万寿寺前而东通大街。以上俱在城内。

东 巷 有崔府君庙。

逢峪巷

姚家巷

粉市巷 通邑房坛。以上俱在北门外。

五井巷

安丘巷

春牛巷 通山川坛。以上俱在南门外。

市 集

新寨集 在县南三十五里。

蒋峪集 在县南七十里。

大关集 在县南九十里

鹿皋集 在县南六十里。

破丘集 在县西南九十里。

五井集 在县西南二十五里。

冶源集 在县南二十五里。

石佛堂集 在县西南五十里。

寺头集 在县西南六十里。

白沙集 在县西南七十里。

龙泉集 在县西二十里。

逢峪集 在县西二十里。

庙头集 在县西北二十五里。
盘羊集 在县东南二十五里。
柳山集 在县东南五十里。
白塔集 在县东南七十里。
龙岗集 在县东北三十里。

官田 五十七顷五十一亩一分一厘。
民田 六千七百七十一顷一十一亩七分二厘。
棉花地 九顷四十一亩二分二厘三毫。
抄没地 八十六顷二十一亩三分五厘八毫。
斗地 二十六亩二分。

山 寨

沂山寨 在县南一百里。
嵩山寨 在县西南五十里。
逢山寨 在县西北三十里。
柳山寨 在县东五十里。

户 口

洪武二十四年：户，一万三千七十八。口，一十一万五千九十三。

永乐十年：户，一万二千一百六十八。口，一十一万四千四百三十四。

宣德七年至弘治十五年，无考。

正德七年：户，一万四千三百三十五。口，一十二万四千五百。

嘉靖元年：户，一万四千五百四十二。口，一十二万五千四百八。

嘉靖十一年：户，一万四千七百三十五。口，一十二万五千三百五十。

嘉靖二十一年：户，一万四千七百三十五。口，一十二万五千四百四十。

嘉靖三十一年：户，一万四千三十五。口，一十三万八千九百一十一。

关 梁

穆陵关 在县南一百五里大岬山上。据碑记，元至正壬辰，命武德将军前益都路副达鲁花赤帖公建兵室，创戍楼，把截于此。

国朝洪武三年，始设巡检司官一员，领弓兵百余人盘诘。今所领弓兵三十人。

北门桥 在北门外。嘉靖二十四年圯坏。知县贾东山重修。

南门桥 在南门外。嘉靖二十六年圯坏。知县王家士重修。

弥河桥 一在南关外，一在粟山下。右二桥以河面阔远，未有为经久计者。每岁当寒沍，有司始命地方架木为之。则老羸、疲病、担夫、孕妇固已病涉久矣。迨春，冰始泮，地方撤其材而去。涉者或衣或裸，则又往往病焉。夏秋霖潦暴涨，山溜总（总）至，波流悍急，贪进而漂没者亦时有之。噫！乘輿济人固圣贤所不取，而桥梁道路实王政之所先，君子苟加之意焉。斯其于仁惠远矣！

物 产

谷之类 粟、稷、黍、大麦、麦、稻、粱、莽、秫、稗、芝麻、苏子、麻子。

豆之类 黄豆、绿豆、黑豆、赤豆、豌豆、豇豆、扁豆、蔓豆。

菜之类 芥菜、春不老、白菜、生菜、葱、韭、蒜、芹菜、茼蒿、菠薐、芫荽、茗苳、蔓菁、萝卜、胡萝卜、茄。

瓜之类 西瓜、冬瓜、黄瓜、菜瓜、甜瓜、丝瓜、瓠、葫芦。

田 土